

BERTSOAREN MINTZOA

■ Zazpi bertsolari gazte aritu ziren Durangon. ■ Bertso saio entretenigarria eskaini zuten zazpi gazteek Zugaza areto berrituan. ■ Lazkao Txikiri omenezko bertso saioak 21 bertsolari bilduko ditu.

Gazte eta umoretsu

Gaztelurrutia, Iturriaga, Lujanbio, Irazu, Maia, Arozena eta Elortzak saio ona eskaini zuten

INIGO OLABARRI / DURANGO

Joan den asteazkenean, protagonista nagusitzat gazteak zeuzkan bertso saioa entzuteko aukera eskaini ziguten Durangoko Sanfaustoei. Bertso saioa Berbaro taldeak antolatuta zegoen eta zazpi bertsolarik hartu zuten parte, Jon Maia, Maddalen Lujanbio, Unai Iturriaga, Beñat Gaztelurrutia, Jesus Mari Irazu, Estitxu Arozena eta Igor Elorzak. Hauen lanaren gidaritza, gaijartzaile lanak egin zituen Jon Sarasuaren esku geratu zen.

Taula gainean elkarrekin hainbat alditan aritu diren bertsolari gazteak biltzeak, zenbait berezitasun eman zion bertso saioari, izan ere, une batzuetan edozein laguntalderen kaleko solasaldi axolagabearen kutsua antzeman zekiokien, eta dudarik gabe, bertara hurbildutakoek eskertu zuten hori. Adarjole trebeak direla ere ederki erakutsi zuten bertsolariek eta horri beraien artean duten konplizidadea lotuta, bertso saio entretenigarria eskaini zutela aitortu behar da. Bestalde, emandako gaiak bertsolarien lana erraztu egin zutela esan daiteke, gazteen mundua hurbiletik ukitzen duten gaiak izan baitziren esku artean izan zituztenak.

Hasteko, hirunaka atera zituen bertsolariak mikrofonora Sarasuak, batetik Maddalen Lujanbio, Beñat Gaztelurrutia eta Jon Maia eta hurrengo txandan Jesus Mari Irazu, Estitxu Arozena eta Igor Elorza. Lehendabizikoei, eguneroko bizitzan intsumiso zeri diren galdetu zien eta bigarren txandakoei berriz, sumiso zeri diren eta hara galdera erantzunez zer kantatu zuen Irazuk.

Jesus Mari Irazu:

*Ni sumiso naiz ikasketari eskolara noanean
ta sumiso ere plater on bati
gosea daukadanean
euskerari ere nahiko sumiso
beti edo gehiengan
maitasunean ere sumiso
bi sumiso gaudenean.*

Bertso saioaren beste une batean, Igor Elorza eta Jesus Mari Irazu aritu ziren elkarrekin. Biak genetikaren munduko aditu bezala aurkeztu zituen gaijartzaileak.



Batzuetan edozein lagun talderen kaleko solasaldi axolagabearen kutsua zuen saioak.

XOUSE SIMAL

leak, eta eserita zeudenen geneen konbinazioak zer nolako emaitzak eman zitzaizkeen aztertzea zegoen.

Jesus Mari Irazu:

*Zer aurrerapen ekarri ditun
genetikaren legeak
aurrerantzean irtengo dira
askozaz ume hobeak.
Nahastu ezker Sarasuaren
eta Jon Maian geneak*

*igual orduan irtengo dira
altura erdiko umeak.*

Igor Elorza:

*Lehenengo egunean seigarrenaren
geneekin ari nintzan
disgustoak ere izaten dira
zientifikoen bizitzan
nahiz ta saiatsu saiatuko den.
amorratuenean gisan
barkatuko dit Beñatek baina
semerik ezin du izan.*

Saioak aurrera egin ahala, jendea eta bertsolariak ere gustorago zeuden. Bertso eskasak bat kantatu bazuten, ondoren jendearen onespene guztia jasoko zuen beste bat heltzen zen eta martxa honi jarraituz zihoan bertso saioa, asperraldirako aukerarik inori eman gabe eta ez zen izan hara hurbildu eta irtetea irrifarra ezpainetan ez zeramanik.

Hogeita bat bertsolari ariko dira Lazkao Txikiren omenezko saioan

DONOSTIA

Lazkao Txikiren omenezko bertso saioa egingo da ostiral honetan Lazkao (Gipuzkoa) Areria zineman. Saioa gaueko hamar t'erdietan izango da eta 21 bertsolarik hartuko dute parte.

Honako bertsolari hauek ariko dira: Sebastian Lizaso, Andoni Egaña, Anjel Mari Peñagarikano, Jon Sarasua, Jokin Sorozabal, Imanol Murua, Mikel Mendizabal, Xabier Amuriza, Joxe Lizaso, Imanol Lazkano, Joxe Agirre, Txomin Garmendia, Jose Luis Gorrotxategi, Joxe Munduate, Xabier Narbarte, Altzo

Txiki, Eugenio Igartzabal, P. Iraola, Xabier Zeberio, F. Goiburu eta J.I. Begiristain.

Gai jartzaile lanetan M.J. Madariaga ariko da, baina bertsolariak bata besteari ere gaia jartzen ibiliko dira.

Joxe Miel Iztueta zena duela urte t'erdia hil zen. 1926ko irailaren 15ean sortu zen mundura, Lazkao Mendiko Abalei baserrian. Bederatzi urte zituela entzun zituen estreinakoz kantari Zepai eta Uztapide bertsolari ezagunak, eta berak behin baino gehiagotan aitortu zuen orduz geroztikoa zela bere bertsozaleasuna.

Hamazazpi urte zituenean hasi

zen plazarik plaza abesten, eta lehendabiziko plaza jaioterrian egin zuen Basarri eta Saiburu bertsolariak lagun zituela. Euskal Herriko txoko guztietan aritu zen bertsotan, baita txiste- eta kontu-kontari ere. Hainbat sari ere irabazi zituen.

Lazkao Txikiren omenezko bertso saioa ikusi nahi duenak jada salgai ditu sarrerak Lazkao Gerriko liburudendan, Beasaingo Loinaz tabernan, Ordiziako Etxaniz tabernan, Zaldibiko Illati tabernan, Ataungo Bittor jatetxean, Segurako Imaz tabernan eta Idiazabalgo Xume tabernan.

SAIOAK

osteguna 20

IRUÑA

San Frantzisko ikastetxean,
19.30etan.
Leire Bilbao, Maialen Lujanbio, Estitxu Arozena
Iruñeko 4. Bertso Astea

ostirala 21

LAZKAO

Areria zineman Lazkao Txikiren omenez jaialdia

GAUTEGIZ ARTEAGA

21.00etan, Gaztelu Zahar elkartean
saioa

Mañukorta, Igor Elortza, Txabi Ajuria, Oier Arregi, Aritz Lopategi

Araba-Bizkaiko txapelketa girotzeko saioa

larunbata 22

HERNANI

Bertso afaria
Ereñozu auzoan, 21.00etan
Jokin Sorozabal
Urmia Elkartek antolatuta

MARKINA

Bertso afaria, 21.00etan
Xabier Amuriza, Maialen Lujanbio

EZKIO

Bertso afaria, 21.00etan
Peñagarikano, Egaña

BERA

Bertso afaria 21.00etan
Iñaki Murua, Sebastian Lizaso

ONDARROA

21.00etan, Txokon
Leire Bilbao, Oier Arregi, Aritz Lopategi, Jon Mikel Omagoeaskoa
Araba-Bizkaiko txapelketa girotzeko saioa

DIMA

21.00etan
Kepa Intxausti, Igor Elortza, Igor Meñika, Juanjo Respaldiza, Inigo Olabarri, Ibon Iza
Araba-Bizkaiko txapelketa girotzeko saioa

igandea 23

MALLABIA

Bertso bazkaria 14.00etan
Xabier Amuriza, Igor Elortza

HITZALDIAK

Iruñeko 4. Bertso Astea

Jon Sarasuaren hitzaldia San Frantzisko ikastetxean gaur, asteartea 18, 19.30etan.
Gaia: Bertsozaintza eta plaza.



Donostiako
Euskaltzaleen
Elkartea

KULTUR BADIOA

ASTELEHENETIK OSTIRALERA 21,30etatik 22,00etara
KULTURARI BURUZKO IRRATSAIO BERRIA IZANGO DUZUE.

ZATOZ KULTURAZ BLAI EGITERA !!

Donostia Irratia

A M. 1044